

**PEMBERITAHUAN PERTANYAAN BAGI JAWAB LISAN
DEWAN RAKYAT**

PERTANYAAN : LISAN

DARIPADA : DATUK LINDA TSEN THAU LIN [BATU SAPI]

TARIKH : 16 MAC 2016

RUJUKAN : 8599

SOALAN:

Datuk Linda Tsen Thau Lin [Batu Sapi] minta MENTERI DALAM NEGERI menyatakan asas untuk kenaikan levi pekerja asing dari bulan Februari 2016.

JAWAPAN:

Tuan Yang di-Pertua,

Kerajaan berhasrat untuk memperkemaskan sistem pengurusan pekerja asing sedia ada dengan kadar levi diklusterkan kepada dua kategori. Kerajaan berpendapat bahawa terdapat keperluan untuk memperkemaskan sistem pengurusan pekerja asing. Pekerja asing pada ketika ini dikenakan bayaran levi mengikut sektor berbeza-beza.

Bayaran levi yang berbeza-beza ini bukan sahaja mengelirukan majikan malah turut mendorong pekerja asing melanggar syarat imigresen semata-mata untuk bekerja di dalam sektor yang mengenakan bayaran levi yang lebih murah. Oleh yang demikian, satu sistem levi yang lebih efisyen diperlukan bagi menggantikan bagi menggantikan sistem levi sedia ada.

Sehubungan itu, kadar levi akan diselaraskan mengikut kategori di mana kategori satu terdiri dari sektor perkilangan, pembinaan dan perkhidmatan. Manakala, kategori kedua terdiri dari sektor perladangan dan pertanian.

Pihak Kerajaan telah melaksanakan sesi *engagement* dengan wakil-wakil industri dan telah mendapatkan maklumbalas terhadap cadangan Kerajaan untuk menentukan kadar levi yang bersesuaian. Kadar levi baru yang telah ditetapkan oleh Kerajaan telah mengambil kira maklumbalas yang diberikan oleh industri dan kadar ini tidak akan membebankan dan tidak menjelaskan

momentum industri.

Selain itu, penstrukturran kategori levi juga merupakan komitmen Kerajaan untuk sentiasa menambah baik pengurusan pekerja asing di samping menggalakkan industri berintensifkan buruh untuk beralih ke arah industri berdasarkan automasi dan mekanisasi. Peralihan ini dijangka meningkatkan produktiviti serta meningkatkan daya saing industri.

Walau bagaimanapun, Kerajaan buat masa ini telah bersetuju untuk menangguhkan kenaikan kadar levi ini ke suatu tarikh yang akan ditentukan setelah mendapat maklumbalas dari industri.